

沅
湘
耆
舊
集

沅湘耆舊集卷第四

新化鄧顯鶴湘皋編輯

鄞縣沈道寬栗仲校訂

夏忠靖原吉二十六首

原吉字惟喆湘陰人洪武庚午舉人累官戶部尙書加少保太子少傅卒贈太師諡忠靖著有謙謙齋集四十卷忠靖早孤力學初以鄉薦遊太學選入禁中書制誥諸生或喧笑公危坐儼然太祖詞而異之擢戶部主事建文初升戶部右侍郎靖難後晉尙書以諫北征繫獄仁宗卽位復戶部尙書公歷事四朝功在社稷澤被生民史稱其雅量寬

洪今讀其詩和平悅懌春容大雅可以覘所蘊矣

四庫全書提要原吉詩文集六卷載明史藝文志後附遺事一卷前有楊溥序稱其詩文平實雅淡不事華靡攷原吉以政事著不以文章著然致用之言疏通暢達猶有淳實之遺風
靖遠集序略自來蹇夏並利蹇公善謀夏公善斷兩公事詳國史今就夏公言其大者永樂十九年議遷都利害得公一言言官大臣盡釋不問宣德九年漢戚人反公力贊親征罪人斯得夫一言齊主怒而國體以存一謀定帷幄而國威以振其功如此即古大臣何以加焉

諭饑鳥

饑鳥來屋頭軒然振雙翼啞啞向我嘯其意欲得食我行
顧我廚餘糗頗云積粲粲白如銀瑩瑩燥如炙足可療鳥
饑盡與非所惜緣以目前人困乏動千億振恤未有方夙
夜慨中赤况此所餘糗粒粒出民力我食尙懷愧飼鳥甯

不惕饑鳥勿此嘯山中有榛栗

冬日聞蛙

暮收已回轅辛冥正司令草木盡黃落蟄蟲俯而靜爾蛙
從何來悅焉失初性凌寒發狂聲聒聒莫知竟捕之良可
矜聆之固非正願爾深自默毋爲駭時聽

贈琴士李忠禮

偉哉太白孫英英越中士來作湘江游光風照蘭芷抱琴
爲余彈清音驚俗耳雖離鳳鸞聲悠悠聖賢理他日遇鍾
期無慚奏流水

彭希益惜陰堂

星沙控荆湖屬邑十有二羅湘甲西北山水獨佳麗彭君

生其間鍾此山水異襟宇既軒豁丰儀更清瘁垂髻被庭
訓詩禮日講肄諄諄期有成勉勉冀無墜豈謂霜露嚴毒
被椿木瘁徬徨痛遺業感慨先志乾乾仰居諸耿耿忘
食麻構堂名惜陰於以自箴勵朝期萬卷開夕爾一篝繼
探搜聖賢心玩索古今事豪茫靡或遺纖悉必精至時當
大比秋躡槐赴鄉試聲華動場屋文藻賁同類惟君自持
謙不欲早干位春闈暫垂翮卒業辟雍地清修日益勤聞
奧愈深詣嗟予素薄劣忝有鄉曲誼每瞻惜陰堂中心竊
懷愧願言慎終始毋使虧一簣行當馭長風扶搖九天際
宮花醉葡萄黃金輝名字遠追伊名心光輔堯舜治功成
銘鼎彝芳譽永無替回視惜陰堂煌煌孰能企

案希益名
謙永樂間

巡按四川以
嚴明著聲

戲贈淨慈寺僧恬靜卷

我從前日舜蓬萊飄飄飛上姑蘇臺臺前桂魄照秋水一
碧萬頃無纖埃朝來即發看山興擬渡錢塘覽奇勝片帆
苦爲天風留一上雲居聽鐘磬雲居瀟灑雲飛飛中峯去
後渺莫追就中忽遇老禪客自云近日來淨慈眉峯修修
散晴雪性海澄澄湛秋月煮茶揮麈共我談四座霏霏飛
玉屑我觀此僧無俗情叢林當代應知名何當攜手廬嶽
去相尋靜修重縮盟坐看五老香爐青

題頤庵胡祭酒先生玉筍白雲圖卷

頤庵先生古君子德行文章當世美晨攜玉筍白雲圖訪

我金臺官署裏自言先世多遺德卜居遠在金川側金川
何處最清奇玉筍峒巒插天極雲收萬朵芙蓉青雨餘百
道銀潢傾陰巖月冷玉龍蟄陽坡春暖金牛耕蕭家峽口
尤奇麗狀若飛鷲舞空際泥江更抱伏虎形瓦橋重展遊
馳勢祖宗體魄此地藏松楸桑梓森相望子孫弈弈藉餘
蔭讀書食祿門庭光偶因海宇風塵迫遂向洪都問田宅
緬懷玉筍不可親但見遙空雲白白雲飛白白其柰何先
塋正在山之阿林鳥泣雨下喬木野猿叫月懸春蘿矧惟
宦轍方驅涉未暇棲棲理家牒聊憑縑素寄遐思用詔兒
孫知祖業君其爲我爲歌詩大書闕尾君毋辭他年得遂
懸車樂展圖一玩舒心思我聞此言聲欲咽復觀此圖腸

爲熱水木本源人共知誰是先生孝心切願言移孝忠吾
皇政時熙皞超虞唐白頭稽首謝丹闕清風一棹歸故鄉
金川玉筍重登眺西山南浦閒耕釣此時此樂誰能如邱
隴州閭總榮耀願予薄劣無長才鄙詩不足開幽懷還君
畫圖三歎息好風颯颯從天來

題傅澤民分桂軒

有序

余曩與澤民同業於四明丹崖史先生之門先生嘗云
昔唐太史奏月中桂子落天台後三百年當應至宋六
飛南渡吾祖衍本初得紅木犀於山阿獻之高宗植復
古殿前仍製詩稱賀於是史氏以丹桂別他族今典教
來湘泮池上復有桂一株是天副吾願望澤民得其意

乃於此分一楸桂植書室前且曰先生之桂來自月中
予之桂來自先生有所本矣因匾其室曰分桂軒示不
忘所傳也永樂癸未夏澤民由水衡官擢監察御史暇
日攜分桂軒詩卷索題予既知其由不敢以拙鈍拒遂
據其概以塞責

粵昔丹桂生蟾宮天香散漫飄穹窿世人仰望莫能折舉
頭每欲排天風後來仙子不自惜呵叱銀蟾鼓雲翼銜將
桂子落天台要使人閒共培植天台一種三百年鬼神隱
護人難傳史家先世積德厚得從此地更移遷當時不敢
自娛賞持向君門獻君長龍顏一笑栽殿前更灑宸章為
優獎宸章煥赫事實殊史家桂澤當何如敷榮發秀異他

族流芳奕葉生明儒林林接踵爲時起事業功名感足美
邇來復有紫岩翁碩德宏才古君子承恩典教來羅湘霏
霏化雨蒨莪芳只緣遼渺丹崖遠心懸丹桂常徬徨徬徨
未易乘風去日夕行吟泮池處彼蒼又若陰相之池上選
存古桂樹色香雖靡丹崖濃根株卻似丹崖豐丹崖桂澤
裕厥後泮池桂澤將誰同芹邊弟子商崖裔重義崇仁心
靡替穩知師意感師恩爰闢書軒分此桂吁嗟史翁何賢
哉吁嗟傳君真奇才史翁之桂由祖植傳君之桂從師來
書軒况爾數椽小桂樹分來相映好秋風吹破丹砂堆萬
斛清芬散龍腦傳君傳君日對茲豈惟玩好香色奇是宜
篤志勵所業光前振後期如師清狂躡雪尋梅叟辛苦移

家看竹友縱情矯物徒自疲師友傳承事何有傳君傳君
重勉旃如今正是秋清天及時吐花著芳譽相期史氏同
綿綿

案湘陰志各宦史九韶字三儀號丹崖象山洪
武中任教諭訓迪有方矜廉寡慾有古人風一見
夏忠靖獨器重之曰此名世才也忠靖官尚書每
遇之必拜後遷南京國子監學正子孫家於湘陰

汨羅懷古

五月五日天氣晴古羅士庶思屈平聲金伐鼓集畫艦浩
歌競渡招沈靈沈靈不返知何往楚國蕭蕭空草莽聊將
一滴菖蒲漿灑向清波寄遐想

小江漁釣

小江江水綠如酒兩岸春風舞垂柳老漁落魄一事無二

尺綸竿長在手，有時釣得縮項鰻。隨緣沽酒供餘年，不圖
星辰動天闕。醉來卽藉羊裘眠。

錢塘江

浩渺惟天闊，汪洋與海通。赭龕分左右，吳越界西東。鷗弄
潮頭雪，龍吟水面風。鷓夷在何處，試問打魚翁。

經姑蘇

客路尙悠悠，蘇臺蹙繫舟。酒旗迷柳岸，商舶隘江流。三讓
祠何古，于石更幽。可憐城下水，莫洗館娃愁。

憶別

憶別金陵日，那勝手足情。淚懸棠棣雨，腸斷鶻鶻聲。羨被
清宵冷，潘輿何日迎。願言知此意，早促北來程。

憶別金陵日吾兒歲始三見人容嶷嶷學語舌誦誦雖乏
麒麟譽應無豚犬慙行當還帝里爲爾說周南

寓雲居庵次韻答聯上人

誰闢雲居境依稀古化城獅柑霜過熟鳳竹雨來青石悟
禪中語鐘收飯後聲我來臨絕頂一覽小蓬瀛

尾從獵龍山同蹇尙書諸公游牛首山佛窟寺

獵罷龍山日未斜更從佛窟訪煙霞半崖寒瀑如飛雪幾
樹霜楓似著花茶熟地爐抽榾柮雲流禱榻護袈裟盤桓
不盡登臨興並轡歸來迥露華

曉從獵騎過禪關蘿磴迂迴取次攀兜率崖深千古在
支佛去幾時還風幡影動空濛外雲磬聲聞紫翠閒借問

清修林下士六時禮罷有餘閒

送侍御蔣暹乞假歸省

客裏頻傳送客鐘豈知孱質已成翁
狂歌強作江南調薄餞聊隨薊北風
柑熟洞庭人定到月明湘水夢誰同
凌雲健翮須時奮去去毋淹枳棘叢

次韻答石虎道人

爲愛叢林老辯才片帆歸去又還來
囊中珠玉清人骨塵尾風雲障俗埃
蓮社未知容我否酒眉且自向師開
三吳早晚徵輪足重看天花雨法臺

次俞都御史韻與石虎道人

紛紛車馬走黃埃此地誰能日日來
獨有豸冠因酒病時

尋虎石扣門開山中風月初相識江上煙波又足回今我
登臨亦何興漫看嘯鶴舞徘徊

登吳興道場山

肩輿一上道場山游覽都忘陟頓艱泉迸石渠存虎跡峯
名金盞擁螺髻木魚催飯鳴松杪野鶴窺巢過竹閒安得
從今脫塵鞅此中相伴老僧閑

過吳江泗州寺訪僧留宿

行盡吳江興尚濃卻從寺裏訪瑄公未論石上三生約且
喜山中一宿同詩句新題蕉葉雨茶香熟送藕花風明當
百八蒲牢吼重整雲帆向五茸

吳中書見示張真人所贈詩步韻奉酬

偉哉江右老儒宗講帳曾看設絳紅內史詩才存古意大
師書法冠時雄寒氈懶坐清江雪雲錦新裁翰苑風我欲
躡花登鳳詔陽春一曲愧難同

題穆宗所畫墨竹

寶殿無心論治安碧窗著意寫琅玕枝枝葉葉真瀟灑爭
奈金人不愛看

江上卽事

江上何人學遠遊揚帆鼓浪去無休那知久歷風濤者綠
柳陰中穩繫舟

得家書

老母書來三月初諄諄教誠意何如重言王事須勤慎不

必區區念倚闕

聖德瑞應詩

聖主膺乾運垂衣馭八區道隆堯舜比功茂禹湯俱蕩蕩
三邊肅熙熙兆姓娛普天歌至治率士發靈儲爰有諸蕃
國能忘萬里塗隨槎超瀚漫獻瑞効勤渠渺渺來中夏倦
倦覲帝居麒麟呈玉陛獅子貢金鋪紫象靈山種驊騮渥
水駒駝雞同鸞鷲文豹擬騶虞福祿身紆錦靈羊尾載車
霜姿援更異長角獸尤殊綵檻奇音鳥雕籠雪色鳥辛龜
三尾曳山鳳五花敷日上龍墀舞鳳回貝闕迂禮官躬典
設蕃使肅奔趨仙掌開丹宸祥煙散紫衛重瞳欣一顧百
辟震三呼茲豈尋常致端由治化孚旣將昭帝德尤足壯

神都炎漢何能擬，姬周莫竝驅。拜瞻嗟慶幸，稱贊媿荒疏。
惟願皇風洽，仍祈化日舒。鴻圖千載固，聖壽萬年餘。

靜志居詩話長陵靖難而後瑞應獨多黃河清甘露降嘉禾生醴泉出柳雲見野蠶成繭麒麟鸞青鸞青獅白雉白燕白鹿白象羊兔羊犀史不一書甚矣天之難堪也當時詞臣爭獻頌頌夏公長律會粹而詳書之具見閱麗讀之如覽西周王會之圖披北魏南齊符瑞之志亦可云詩史矣

李參議思聰一首

思聰字仲謀，桂陽州人。洪武甲戌進士，授行人。二十九年，緬甸遣使來訴百蠻侵其境，太祖命行人賈詔往諭緬酋思倫發與蠻等，恐懼謝罪，願各罷兵。適部酋刀幹孟叛，行人以朝廷威德諭其部眾，叛者咸服。思倫發欲倚使者威制服其下，強留行

人多致象馬金寶爲賂行人作詩諭卻之且謂中國不以金玉爲寶所寶者惟忠臣烈士宜速送使者還以明爾國忠順之志思倫發大喜設燕爲樂率所部衛之出境還朝具奏其事併紀所見山川人物風俗道路之詳以進賜衣一襲晉江西右參議食二品俸卒於官

緬人迎於怒江

路入西南萬五千怒江秋盡水如天百夷犀象迎星使一陣皇風掃瘴煙

劉參政聲遠一首

聲遠字茂實湘鄉人建文初官梁山令擢戶部郎

中丞樂中累官交趾右參政轉山東左參政所至
有能聲

雪中過龍興寺留宿方丈

雪捲籃輿入翠微，憑欄頓覺故心非。
珠浮鉢面人猶臥，月上松枝鶴未歸。
樓殿玲瓏雲外迴，煙霞縹渺望中飛。
老僧課罷殘鐘後，坐對孤燈補衲衣。

易忠節先一首

先字太初，湘陰人。洪武時貢生，永樂閒授交趾諒
山知府。在郡多善政，蠻人敬服。秩滿還朝，軍民黃
虎山等保留進階三品，仍守諒山。宣德改元，黎利
叛，陷交趾。諒山大震，或具舟請行，公曰：吾爲郡守

與城共存亡堅守以待明年賊攻諒山糧盡力竭
合家十八口死之事聞贈廣西右參政謚忠節

汨羅謁三閭大夫廟

纏綿宗社子身扶豈作當年小丈夫蔓草猶牽亡國憾清
流堪洗譖臣誣志同微比風尤古身近彭咸影不孤尊酒
招魂江渚上愁看杜宇對人呼

李伴讀學初一首

學初湘鄉人永樂甲申進士官蜀府伴讀臚唱口
詩句云射策御前紅日近傳臚閣下采雲飛蓋仿
唐人早朝詩體今所存蒙頒勅命一首亦此類也

蒙頒勅命歸拜家慶

承恩南省出都畿千里披風信馬歸衣惹禁煙香驛路勅
頒宮錦映庭闈桃霞入浪金鱗細竹雨過林玉筍肥寸草
春雷新雨足葵心長捧太陽輝

荆僉事政芳一首

政芳字山甫一字南條溱浦人永樂丙戌進士歷
官山東學政交趾僉事性沈毅在交趾時巡歷沱
江地有妖曰媚娘爲民害祭必以人僉事移文鎮
之患遂息

悼張鎮卿

記得千官侍早朝歸來時復憶雲樵

原注鎮卿號雲樵山有樵雲圖

衆中

張緒真堪羨此日巫陽不可招鶴返遼城天杳杳

原注雲山曾任

沈湘菴舊集

卷第四

十一

總制 遼東 煙迷青塚草蕭蕭鳳毛零落清溪上明月山阿太寂寥

鄺忠肅堃一首

堃字孟質宜章人永樂辛卯進士授監察御史擢陝西按察副使累官兵部尙書死土木之難謚忠肅贈少保忠肅性至孝父子輔爲句容教官教公甚嚴公在陝思一見父乃謀聘爲鄉試同考官太公怒曰子居憲司父爲考官何以防閑馳書責之又嘗市一褐寄至句容太公封還責之曰何從得此乃以污我公跪誦泣受教也先入犯王振主親征公上書力爭既扈駕力請回鑾墜馬幾殆或勸

留懷來城就醫公曰至尊在行敢托疾自便乎遂
及於難其果毅如此詩不多見僅得一首

登衡嶽

千丈芙蓉帶露看紫雲丹壑競嶺旣煙光影落三湘迴岳
色秋臨九塞寒歧路車塵行欲老瑤臺石髓待誰餐驅馳
莫道無靈氣天柱西風好挂冠

羅建昌以禮一首

以禮桂陽州人永樂乙未進士授行人擢戶部郎
中出知西安府調紹興府再知建昌所至有聲寬
猛得宜其在紹興時遇雨暘不時往禱輒應民歌
曰太守羅以禮祈晴得晴祈雨得雨見明詩綜雜

謠歌辭

望寶山積雪

萬疊崔嵬倚太空翠微高處少人通雲深一壑寒先到雪
過三春凍未融月色澹籠珠燦爛煙光晴護玉玲瓏素妝
微露青螺髻第一峯頭點綴工

黃舉人裳一首

裳字文仲武岡人永樂丁酉舉人

再至寶方山

石室渺無人白雲當自亂不聞雞犬聲時有芻蕘伴怪埔
接青天鳴泉呼野鶴懷哉樓道真笑指樓臺換

周舉人中一首

中丞明人永樂庚子舉人

九日過清泉寺

一徑入寒翠扶筇破野煙好酬黃菊酒同入白蓮禪坐久
六還岫歸遲月過川疏鐘兼暮雨同到客愁邊

郭工科永清一首

永清巴陵人永樂辛丑進士歷官工科給事中以
出使不屈死有黃源稿人佚

登岳陽樓

危樓濱大湖形勢沈江底狂飈動地來高浪掀天起詩成
聲歎中人在空濛裏拍手倚闌干憂樂情何已

唐教授寅二首

寅醴陵人永樂癸卯舉人官光山訓導陞岷府教授
授教授學問該博操行甚篤父伯遜喪於嘉魚扶
柩經洞庭遇暴風喪舟幾覆教授扶柩痛哭風頓
止官岷藩時有河間君臣之目有集未見

巴陵

巴陵城西湖上樓樓前波影涵清秋數點征帆天際落不
知誰是五湖舟

湘江卽目

鷓鴣號斷雨初晴渡口風來水氣腥
溪北邨南齊曬網釣
船閒在夕陽汀

張大理驥二首

曠字仲德安化人永樂中北閩舉人宣德初以例
吏出按江西慮囚福建平反及千人正統八年詔
舉廷臣公廉有學行者吏部尙書王直等以公應
擢大理右寺丞巡撫山東還朝進右少卿已命巡
視濟寧至淮揚振饑全活甚多十三年冬巡撫浙
江招降賊首陳鑑胡鑑胡麗水人與廖元賊葉宗
留素以盜礦爲業七年始爲亂流入福安執殺參
議竺淵宗留遂僭稱王會鄧茂七反宗留偕鑑胡
往附之散掠浙江江西福建境上而他賊蘇牙俞
伯通等亦剽蘭溪與相應官軍屢不利參議耿定
僉事王晟都指揮吳剛都督陳榮指揮龔禮等前

後與戰皆敗死遠近震動鑑胡旋以隙殺宗留自稱大王國號太平建元秦定僞署將帥公至遣金華府知府石璫擊斬蘇牙等未幾茂七死大兵漸集鑑胡始懼公命麗水丞丁甯率老人王世昌等齎榜入賊巢招之鑑胡遂率眾降還所掠人口無算時十四年四月也其秋景帝嗣位召公還卒於道公所至咸有建樹山東兩浙民久而思之按明史本傳驥安化人未著省分惟山東通志名宦總部載驥湖廣安化人正統時以大理少卿巡撫山東值歲飢設法振濟又奏復曹州治薦知縣范希正爲知州甚有治績又奏罷撫民官民甚便之山

東設巡撫自公始云

任城道中望泰山

岱宗天下嶽遠望極崢嶸
魯殿青陽啟吳門白練縈
雲痕滋雨意海氣蕩秋聲
不盡征途意長懷仰止情

浙江舟中偶成

乍息淮南轍旋爲海上行
閩煙浮嶠入浙雨泛潮生
休養爨朝澤馳驅此日情
潢池應悔禍忍使弄刀兵

李御史朝順一首

朝順興寧人永樂間貢生以
廉忠肅公薦擢廣東道監察御史

兜率巖

煙嵐騰漢表奎壁插雲天
谷水環龍瀑巖花伴象眠
洞中寒石筍山外裊人煙
莫怯松膏盡玲瓏更入夕

姜教授子萬一首

子萬本清江人遷居安化永樂中以經明行修應
召預修永樂大典書成授教職官辰州府教授

望安化

垂老不堪行路難十年蹤跡似跳丸
幾多白日尋常過無數青山造次看
海樹驛亭雲漠漠江楓漁火夜漫漫
雅懷獨羨東方士長伴青松保歲寒

石教授鼎一首

鼎字廷器瀘溪人宣德壬子舉人官簡縣教諭歸

後築率性書舍處其中日彈琴賦詩以爲樂有集
未見祀鄉賢

遊柳潭見釣艇

幽人不爲世塵羈竟日停舟理釣絲楊柳岸邊嘗信宿蓼
花灘下又多時忘形不覺淹留久得趣何妨歸去遲幾度
放歌明月下何如重到武陵溪

馬指揮驥一首

驥安仁人宣德閒貢生歷官南京中城兵馬司指
揮工部主事

袍洲

夢醒西堂草乍生汀洲閒憶踏青行湖南三月春如許綠

判王孫第幾程

楊通判昌朝一首

昌朝字雲嬾臨湘人正統閒貢生官濟南府通判

風雨憶君山

洞庭風雨暗漁燈一點君山幾箇僧十載行吟孤澤畔何
時尊酒話巴陵干求名祿都無味販賣煙雲我不能新筍
而今掘欲了歸湖一棹及秋乘

李主簿廷琮一首

廷琮字朝器安化人正統閒貢生官德清縣主簿

縣志稱其廉介

泊梅子洲

江開風惡浪兼天，梅子洲頭又泊船。
萬里羈懷吟嘯外，百年心事夢魂邊。
鳧鷖泛泛還春渚，楊柳垂垂裊暮煙。
北去南來無定在，其誰沽酒醉花前。

誕教諭必敬一首

必敬字子欽，安化人。永樂閒歲貢官，四川長壽縣教諭，有五柳宅稿。

鬢邊

鬢邊自覺二毛侵，仕路飄蓬歲月深。
年老只慚糜鄭廩，官貧何必問疏金。
江流浪靜片帆駛，谿峒山幽一徑尋。
終日思歸歸恰好，攜童隨處可披襟。

案此詩已見資江集，當在姜子
高之後，編次稍遲，增錄於此。

沅湘音舊集卷第四終

沅湘耆舊集卷第五

新化鄧顯鶴湘臯編輯

鄧縣沈道崑栗仲校訂

王侍郎偉 十六首

偉字士英一字彥卿攸人正統丙辰進士累官兵
部右侍郎天順中罷歸復以原官召未幾以病乞
休卒彥卿世居長沙有賜宅在城北今長沙北門
王公祠是也著有桐山集彥卿有權略年十四隨
其父江西參政靈戍宣府宣廟北巡獻安邊頌命
補安州學正官職方時見知于忠肅公甚見倚重
也先犯順六飛蒙塵忠肅擁立監國宗社晏如襄

贊之功不小忠肅蒙冤彥卿奉連被謗乃至加以陽附陰叛之名近賀晴峯學博德宗辨之是已桐

山集見 四庫全書存目無刊本茲從賀氏攸與

詩鈔採入十餘首以著其概

廖道南楚紀北邊告

守廣平遷兵部職方司郎中時邊圉多事文移填
委偉援筆立就皆中機會少保于謙專任之擢兵
部右侍郎命出視邊警密具方略有小田兒本中
國人陰爲邊患偉密討誘殺之給以亡去自是疆
場恃以無擾天順初爲石亨所構免歸成化初復
召爲兵部右侍郎初亨誣謙黨逆榜行天下並誣
偉同謀至是上特命追揭榜以雪其冤偉以謙爲
言乃並毀之 賀學博德宗云英宗復辟士英坐
謙黨罷歸七修類藁載王鎮彈文與王文于謙同
其醜詆則謂偉爲謙所引又陰叛謙者非也史稱
成化三年偉復官卽請毀白琦所錢謙等罪榜雪
其冤於歿後而同其誤於生前有是理乎家牘十
載乃復起用甫二年以病乞歸計其時宦情已淡
則謂偉負竊宦官復用者亦非也方薛文滄之爲

大理也王振謨其故出人罪論死得偉申叔乃翁
見明堂篇林傳既與君子爲朋又附小人以進亦
必不然後之論者以其功
而毛舉其過亦太甚矣

桑林

幽風乃王化條桑胎聖言蚩蚩有生類不知依所原我本
山中人種桑成一園屋邊蒼翠靄窗外清陰繁採之作蠶
食禦寒不可緩軒轅立制度天地垂深恩織婦極辛苦俗
子惟煖溫甯知寸縷絲勞績難具論殷勤爲賦詩聊以貽
子孫

廬阜山水圖爲沈叔銘賦

匡廬之山高插天去天尺五鋪雲煙崇岡散亂走平陸雙
孤五老相迴旋高人依山接華屋遊屋森森蔭喬木階前

雨過辭苔斑野外春深桑柘綠
前亭客至倒屣迎琴書坐
對向幽清遠樹不聞山鳥噪
小橋時聽溪流聲溪流一帶
通彭蠡彭蠡湖光浩無浹酒市參差洲渚邊漁人出沒風
波裏風波雖險何足驚小舟一葉鴻毛輕沈君癖好佳山
水展圖便覺心顏喜爲君泚筆賦長歌煙波浩渺圖中起

送莆田主簿

州帳臨歧路閉關聽曉鶯潞河衝暑去淮海看潮生花柳
藏官舍桑麻遶縣城此邦多古意簿尉亦知名
事業追先哲餘波及細民移文曾去虎出語每驚人闔海
連天迥家山入夢頻嚴程須早到父老望車塵

冬日即事

水合河流澗山空木葉稀雲埋飛鳥道雪覆釣魚磯
戍客遐關去孤臣異域歸苦寒應徹骨不遑賦無衣

春日郊行

積雨動經旬長途正困人野花空笑日山鳥自啼春
覆載存吾道江湖寄此身榮枯隨分定不敢念艱辛

讀唐人細推今古事堪愁之句有感步其韻

鬱鬱胸中萬斛愁人閒何處是丹邱空悲往事隨雲散
暗覺年華逐水流鶯嘯綠楊初屆夏蟬鳴黃葉又驚秋
茫茫宇宙無窮極安得甌車汗漫遊

和柳子厚登柳州城樓

一官萬里到蠻荒獨上江樓思渺茫密密瘴煙迷道路依

依殘月下垣牆故人別後空搔首
逐客愁來欲斷腸老我
敢忘憂國念此心常在五雲鄉

還鄉述懷

還鄉新沐聖恩優碧水丹山愜壯遊
泉石已甘投老願廟
堂誰切爲民憂深傾太白千鍾酒
高臥元龍百尺樓名利
了然無繫絆微軀此外更何求

閒中偶成簡杜大尹

岸幘披襟酒乍醒久居林下已忘形
侵尋老景雙蓬鬢流
落天涯一草亭春漲水添千頃綠
雲開山擁半空青
年來
博得閒中趣一任浮生跡似萍

遊天蓬巖

偶向天蓬巖上遊五雲開處見神州千崖雨過青如染六月涼生冷似秋山茗自將烹石鼎胡麻誰見泛溪流尋真我欲凌空去肯學凡夫臥土邱

同杜侯遊陽昇觀

浮雲捲盡露仙山石磴層層手倦攀千尺老藤懸峭壁一灣流水遶元關重遊預作明年約縱飲聊娛此日閑服藥不須期碧落十洲三島在人間

名山福地世應稀樓觀差我倚翠微古洞雲閒龍化去老松煙暝鶴飛歸自從上相登仙品更有何人悟道機遊賞喜陪賢大尹壺觴連日醉芳菲

題畫

清溪環碧障紅葉覆幽居地僻人來少長年讀道書
料峭北風寒雪花大如席堪笑往來人紛紛爲誰役

又二首

丹崖翠壁接天梯綠樹陰濃草正萋十二樓臺何處是仙
家只在碧雲西

山中風景浩無涯臨水幽亭柳半遮長日悄然門自掩倚
闌閒立看荷花

雷尙書復四首

復字景陽寧遠人正統丙辰進士選庶吉士改行
人擢御史出爲廣西副使成化初授浙江右參政
轉山東左布政使入爲禮部右侍郎尋改都察院

右副都御史巡撫山西卒贈尚書祀鄉賢

九疑雜咏

太華俯咸京蓮花生寶萼青陽九子形玲瓏石殿鑿茲山
無寸膚春筍簇銳鏑千峰拔地出秀穎紛交錯籜龍颯風
雨似受斧斤削聳翠重霄壘煙雲何處著天低梧野平地
盡九疑拓五臣玉笏掛二女金簪掠骨氣森開張邈爾皇
靈託

膩膩山容媚濛濛山氣積滄然白雲生一縷穿深碧初驚
膚寸起層疊嵐光滴半角補煙痕微帶生綃織須臾勢漫
沓四圍設巖巖陰陽割昏曉變態競詭特往來疇賓主中
有仙子宅出沒亦何常樓閣空闕褰帷開面面西爽如

舊識

一角抹斜陽山氣浮日夕杳然暝色來漠漠寒煙碧連邨
起暮炊青靄霏霏積淺深濃澹閒點染出姿格幾縷橫峰
腰三分露石脊縹渺英皇靈黛眉埽纔適鮫綃寫秋意帷
箔現咫尺綠意淨人天仙鬢妙婉畫須臾浮翠銷澄蘚銜
月魄

月暈連宵蝕雲堆向晚寒鷲空風雨吹蘸破灌溪色虹橋
臥波心波面昏如墨秋意釀微涼溟濛水氣逼潑空細點
勻煙綃漠漠織浙漚喧柳岸松濤響未息恰趁對牀聽不
知枕欹側孤唳音淩測青鐙出深黑瀟瀟雞鳴夜伊人時
記憶

李教諭鑑一首

鑑字啟明永興人正統戊午舉人任廣州府學訓導陞四川灌縣教諭尋改儀隴啟明有學行所至以身律物歷官十八年以原官歸吟咏自娛著有松石齋集

蘇仙觀

石徑層層上碧山翠微高處是孖瀾卻無紫陌塵飛到恃有瑤臺鶴伴閑琪樹花明香冉冉石壇雨過薜斑斑神仙未必真能學且立青冥杳靄閒

李惠州鑑五首

鑑字明遠安化人正統壬戌進士由行人出知四

川敘州府父艱起復改知廣東惠州卒於官明遠
時譽翕然居官有善政決事明敏案無留牘著有
慎庵暇筆襍綾稿

無題和劉工部

倦倚闌干思有餘夜深空想好樓居
明妃朔漠愁相似賈誼長沙恨未如
孤枕不生雲雨夢遙天久絕雁鴻書
麻姑有授偷生訣擬別長門學步虛

舊賜宮衣百不存羞看形影在金盆
蛾眉蹙損香螺色傾隨難填淚雨痕
桂殿霓裳娛月姊銀河烏鵲度天孫
此身自恨無雙翼一度相思一斷魂

報恩寺

此地歌遊憶昔年重來不見趙州禪當門老樹棲孤鶴傍
水垂楊哭杜鵑非色非空芳草夢半晴半雨落花天吟餘
無限傷心處徧倚闌干思惘然

裴亭

昔賢棲隱處結構頗幽邃遺址至今存崔嵬照蒼翠

白鹿峯晚鐘

斷續煙中寺噌吰江上巒下方遙聽處昏黑尙憑闌

朱恭簡英六首

英字時傑號誠庵桂陽人正統乙丑進士授兵部
主事擢浙江道監察御史以爭易儲出爲廣東參
議久之進右參政遭母憂成化初補原官歷福建

陝西左右布政使旋以右副都御史巡撫甘肅已
遷兩廣總督會交廣侵老撾朝議致討公言兵不
可輕用交廣人皆德之居十年名爲左都御史加
太子少保卒贈太子太保諡恭簡公少孤力學器
量宏暢才識通敏文武兼資初授御史時卽撫定
浙閩羣盜葉宗留黨官廣東參議十年屢破滅羣
盜羅劉甯等粵民安堵巡撫甘肅先後陳安邊二
十八事皆切時務兩廣自韓雍大征以來諸將張
功邀賞自奉恢廓公至攜一老蒼頭鎮以甯靜戒
將士無輕動搖撫猺獞定爲編戶給復三年由是
歸附日衆凡得戶四萬三千有奇口十五萬有奇

性廉慎初官廣東時過家省母囊中惟賜金十兩
在甘肅積軍儲三十萬兩兩廣四十餘萬兩皆不
以聞或問之答曰此邊臣常分人服其知大體所
至敬禮賢士其薦起陳白沙先生尤爲得人云余
增輯楚寶以公與楊文襄同列大臣所著有澹庵
遺稿認真子詩集韻語非所長也故所存不多陳
章認眞子詩序都靈朱公以其所爲詩編次成帙
題曰認真子集授簡於白沙陳獻章曰爲我序之
公昔語我於蒼梧曰詩非吾所長公豪於辭矣而
未始以爲足認真子名集公意有所屬願覽者未
必知而吾以是觀公之晚節也詩
雖工不足以盡詩而况於盡人乎

春日書懷

晴靄江城暖春光動客思鄉山青歷歷社燕語遲遲掖省

心如水簷堂鬢已絲何當賦歸去聊慰倚門私

客中憶弟

平生好兄弟參辰近十年愧我官昭代憐伊戍遠邊萊衣
和我舊妻被共誰眠行處鴿原暮相看思惘然

聞弟惟慶還自偏城

還鄉聞有弟已喜慰慈闈白髮十年別青春萬里歸家儲
醪醑好池剖鯉魚肥顧我雲霄外何憂奉養違

按公弟名惟慶字汝善生三歲而孤公家籍戍偏
橋衛有司以其名充戍公母胡太夫人謀竭家以
贖公弟毅然請行既至都指揮某重其爲人不以
常卒伍待將謀進之公弟以母老哀鳴一請懇勸
遂得解伍以歸陳白

南壇監禮

古柏蒼松隔紫宸，迢迢黃道絕埃塵。旌幢影合來雙葦，玉帛誠將禮百神。壇樹霞明天欲曉，籍田雨過暖回春。乘時扶耒躬耕後，鼓舞歡忻動萬民。

鄉山歸望

雲程悵望入鄉關，渾似年時夢裏還。路繞夕陽君子嶺，雨晴春樹大官山。隴原依舊煙霞外，里閭分明指顧間。十載京師煩想象，何當此日得開顏。

別克寬兄歛憲江南

按克寬名海公族兄與公同進士榜

湖山煙樹正茫茫，征旆相逢古驛傍。千里久煩江上夢，一樽喜對客邊牀。澄清獨攬范滂轡，德化誰思召伯棠。江右嶺南距咫尺，分攜不用嘆參商。

附錄陳白沙先生輓朱都憲師詩十年持節嶺西
東秦疏金門月幾封都府清虛如到寺家徒帝淡
不隨公瘡痍已拯人閒溺經略還收戰外功猶與
後人憂餽餉羨餘不以獻重瞳楚天春望思難任
生死交情祇自深豈有騁程高萬里故收駿骨破
千金姓名叨入黃公傳紫酒空懷孺子心拂拭孤
桐向明月哀絃彈絕不成音又故兩廣總制朱公
歸葬勸陽憲使陶公遺生員陳諫往祭賦此贈之
詩銘旌前日別金臺故吏門生安在哉黃葉孤村
荆桂老青山連騎越香來人思舊德聞吹笛烏避
新阡下隊苔欲了平生功德狀到時須打墓碑回
黃金誰問買端溪羊祜殘碑我解題一飯可忘公
吐握千秋遺愛廣東西寒嶺急雨飛濤惡夜挾嘯
猿哭月低不爲高堂兼臥病天涯絮酒宵教攜按
白沙於恭簡稱門人拳拳師門如此讀此四詩益
見恭簡之賢能得人非偶然又以見白沙先生風
義之古爲不可及也

高布政良一首

良字元善祁陽人正統乙丑進士授行人遷刑部

郎時英宗復辟曹石恃功驕橫頗以傾陷善類爲
職刑部仁恕明斷多所救正嘗曰我輩頭顱可斷
操守不可移在刑部久出爲浙江參政轉廣東按
察歷浙江左右布政使元善有知人鑒初任浙參
觀風於諸生中得謝遷于喬童子中得王華海日
並拔置第一後相繼大魁爲名臣詩不多見

咏漫郎宅顛

昔賢遺宅翳荒原萬顛如何入夜喧
亂撼深秋驚落葉暗隨疏雨泣哀猿
刁騷如訴中興頌漫浪疑招聳叟魂
天地寥寥無處覓山空雨暗月黃昏

夏太常瑄 二首

瑄字韞輝湘陰人忠靖公子以父廢歷官南京太常寺少卿太常少穎敏嘗竊窺忠靖奏疏輒喜誦仁宗嘗顧問忠靖欲以近侍官其子忠靖對曰臣子幼穉非食祿時宣德五年忠靖薨宣廟震悼即日遣中官致命於家拜瑄尙寶司司丞時年方十三也入謝進退有度特賜冠帶衣服正統初滇夷逆命上疏乞立功自効不得八年命視尙寶司事以母老乞侍養還鄉母愈乃就職時四方多事上疏陳七事詔亟行之土木之變憂憤陳四事又陳三事皆救時急著當事卒不能用久之以母老乞就養金陵命掌南京尙寶司事成化初晉南京太常

寺少卿卒卒前五日猶力疾上疏請諭皇太子預
知民事艱難守成不易命其子崇文上之詩不多
見僅得二首

登岳陽樓

丹梯飛上岳陽樓
簾捲君山宿霧收
仙去石壇虛皓月
龍移雷雨暗靈湫
濤聲夜吼鼉鼉窟
煙草秋迷雁鴛洲
北里長安何處是
心隨波水去悠悠

道吾山

肩輿遠上招提境
山嶺鬼裁勢接天
百折羊腸縈石磴
雙飛燕尾掠溪泉
松風入戶香回篆
花雨滿階僧定禪
好景渾忘登陟倦
竹牀蒲几更談玄

曾戶部瓚一首

瓚字廷器邵陽人正統戊辰進士授戶部主事廷器嗜學好吟性寡合居官未久爲權勢所撓遂歸不復出廷器鄉舉爲正統甲子與李惠州鑑劉都轉顯朱恭簡英鄧襄敏廷瓚同年襄敏字宗器巴陵人巡撫貴州連破都勻苗寨請改土司爲流官而苗患遂戢史稱其設施動中機宜平苗之功尤偉與道州熊莊簡公繡同爲化治朝名臣見明史本傳而都無片語可採文獻闕如良月慨嘆

雙清亭

亭枕蒼崖瞰碧流便呼鄉國小瀛洲紅塵不向雲中住皓

月常從鏡裏浮清氣漫留天地外寒光遙漾洞庭秋憑欄
無限關情處漁唱滄浪一釣舟

郭御史本一首

本平江人景泰辛未進士官御史以言事謫廣東
主簿都御史韓雍薦之擢太平府知府以清慎稱
春日出巡

大地陽回二月天黎童蠻女競春妍鶯閑巧弄林閒韻蝶
倦輕黏花上鮮碧草翠翻紅杏雨紫騮嘶散綠楊煙粗官
敢說絃歌化喜見邊氓盡力田

劉都轉顯一首

顯字揚之新化人景泰甲戌進士累官戶部郎中

長蘆都轉運使著有獨山草堂詩集祀鄉賢

重九後一日登獨山

重陽已過喜天晴閒引兒童曳杖行信步滑宜防石溜披襟爽恰受松聲還山正坐煙霞癖選勝尤誇腰腳輕半晌從容心似洗此身幻若憩蓬瀛

顏舉人公輔一首

公輔字東鈞巴陵人景泰丙子舉人

登岳陽樓和魏嘉州韻

家近高樓日每登望中常見五雲層欲凌縹渺三秋漢敢借扶搖萬里鵬吟罷紫簫天在水飲酣清夜月爲朋茫茫憂樂情何限廊廟江湖兩未能

黎文儂淳三首

淳字太樸華容人天順丁丑進士第一授修撰終
南禮部尙書諡文儂著有龍峯集十二卷

賦得秋江漁唱

欸乃長歌起碧湍水鄉秋思浩漫漫響窮絕島嵐光暝聲
入蒹葭雁影寒鼓枻迴從雲外度鳴榔空向日中殘湖山
處士多佳致吟罷西風倚畫闌

擬敕借岐王九成宮避暑

鸞輿遙幸醴泉宮深入煙蘿翠幾重雲掩畫屏迎舞袖風
清水殿動歌鐘飛花香度樓前幕高柳涼生仗外峯白是
此中多勝概羣仙何處更相逢

登岳陽樓

獨立煙波萬頃閒，信知勝景隔塵寰。
天當盡處疑無地，水到中心卻有山。
孤棹風雲來遠域，層城鼓角壯雄關。
諸侯事業如今古，不見仙人跨鶴還。

劉同知端二首

端字本正，寧鄉人。天順己卯舉人，官西安府同知。有善政性至孝，初官湖州，聞父病，請急歸，中途計至，徒跣奔赴，哀感行路。廬墓三年，若初喪。宏治初以孝旌。

玉潭橋

潭水環花封秀橫，蒼玉帶東流。人瀟湘灘聲響，急瀨明川。

涵波光雲影散輕靄上有萬里橋來往多冠蓋

獅顧嶺

城東有嘉山如獅蹲江浹嵐光浮上下映帶玉潭水雨過山雲溼欲飛還不起杖屨趁晚晴微茫亂山紫

揚敘事廷芳六首

廷芳字孟仁邵陽人天順庚辰進士授南京大理寺評事轉寺正出爲貴州按察司僉事甫二載引疾歸講學東山書院學者稱東山先生家居貧甚太守獲嘉石鳳嘗分俸贍之鄞縣張文定公邦奇時爲提學副使贈詩云東山山人南極星九十朝朝讀五經不可邵陵無此老卽看使者謁明廷尋

常偃室有春草潦倒陶園空酒瓶石象太守清如
水月俸平分重可銘僉事之高與太守之賢俱可
見已所存詩不多和平委宛饒有寄託其雪霽詩
云折竹欲抽前日節冰山消卻舊時威語似有所
指僉事壽至九十八歲乃卒闕世最久此詩殆作
於劉瑾既誅之後與

雪霽

雪霽平湖轉眼非陰消陽長露天機漸看雲際青帘出不
見人間玉屑飛折竹欲抽前日節冰山消卻舊時威溪頭
更喜梅花意瘦影縱橫伴月輝

雙清亭二首

園亭高聳鎮丹崖，崖下悠悠二水來。
兩岸山光搖劍戟，一潭波影浸樓臺。
望窮青草湖邊景，隔斷黃茅嶺外埃。
乘興幾回登絕頂，恍疑身尚在蓬萊。

石壁橫空水閣幽，兩江傾向一潭收。
澄波倒浸千章木，素練平拖萬頃秋。
纓冕無塵休洗濯，江山有景且夷猶。
源頭聞道通銀漢，或可乘槎看斗牛。

臥聞東山寺曉鐘

城東誰建梵王宮，鐘動高山霧氣濛。
雞唱漸低雙樹月，鯨音恰度五更風。
境空不覺塵緣染，聲遠還因地位崇。
老去已無軒冕夢，不煩老衲喚疎慵。

晚渡神灘

路轉神灘入望餘歸人待渡簇平沙空江寂寂來鴻杳遠
樹依依落日斜暝色釀成千里霧櫓聲搖碎一川霞紛紛
世故忙如蟻那得浮生鬢不華

洛陽洞

石路荒涼半草萊洛陽洞倚白雲隈境通康濟祠前近門
對蕭梁寺上開數局殘棋隱苔蘚一溪流水隔黃埃空山
幾度頻回首不見仙翁跨鶴來

劉忠宣大夏七首

大夏字時雍華容人天順甲申進士選庶吉士成
化初自請試吏乃除職方主事再遷郎中累官兵
部尚書正德初加大子太保致仕逆瑾竊柄必欲

徵公建繫詔獄戍蕭州尋赦歸瑾誅復官致仕卒
諡忠宣公剛方鯁亮練習時事而恬素沖退如寒
士宏治中曾三疏移疾歸築草堂東山下讀書其
中天下稱爲東山先生謫戍時年已七十三布衣
徒步過大明門下叩首而去觀者歎息泣下其被
逮也方勸菜園中入室攜數百錢跨小驢就道赦
歸有門下生爲顯官者枉百里謁之道遇扶犁者
引之登堂卽公也事載本傳其孤介如此昔人稱
公明識治體如賈太傅通達國事如陸敬輿質直
不阿如汲長孺廉潔不枉如包希仁忠誠懇切如
司馬君實數語足以盡公矣公有西行稿一卷明

史藝文志載公詩二卷何文簡公孟春跋公西行
稿有云公赴肅州時故舊皆避不來會獨鄉人嚴
仲洪贈詩和答之公過六盤山寄西涯閣老詩末
句云寄語同年老知己天涯孤客幾時還後歸過
六盤復和前韻云憑誰寄語中州子前度劉郎今
已還中州子謂焦與劉也肅州之戍雖出逆瑾實
公同年焦芳及素嫉公之吏部尚書劉宇爲之也
公在戍又嘗寄其故人姜真詩末句云邊城黃閣
醒眠處曾負當年舊布衣時姜以太守致仕於家
二十餘年矣西行稿有刻本今不見僅從方志錄
存近體數首殆不足爲公重也

孫繼芳西行稿序
云肅州地苦寒非

人所居公與諸公同難者曰精簡賦詩忘其在沙
溪也白金城北歸凡有詩一卷曰西行稿傳於世
靜志居詩話忠宣謀猷是經王室倚賴李景文
東山草堂歌九重移榻數名見夾城日高未下殿
英謀密語人不知左右微聞至尊
尊諫明良景象百世猶將興思

贈謝御史

手持鐵簡氣如雷獨立當前不可回
三疏忠貞卑泰華九天雨露蓬萊孤帆半落吳江樹
匹馬還瞻郭隗臺莫道此行身便了百年事業待重來

西山道中

曉來聯騎踏晴沙風景蒼蒼一望賒
幾處白雲前代寺數村流水野人家
鶯囀別墅春猶在馬到西山日未斜
回首不知歸路遠九重宮殿隔煙霞

予三渡君山皆爲風雨所阻今夏渡湖北上忽南風大作將予舟竟送君山泊而登覽喜賦

青螺十二出沒閒幾度來遊空往還風雨昔時皆偶爾亭泉今日應躋攀勝遊纔了生平願浮世欣逢一日閑看徧江南花共柳何如福地聽潺湲

湖山雅趣圖爲太倉張瑜題

青山隱隱水悠悠此日披圖憶舊遊遠樹雲開湘浦晚孤帆月落洞庭秋萍蹤自昔隨流轉華髮誰令爲國憂卻嘆薄才終戀闕湖山雅趣自君收

沱西別業

臨沱新結輞川莊喬木牽蘿接草堂山勢東環雲澤遠水

源西去漢江長秀鍾人物鄰三世清遶門闕擅一方君寶
來歸須入社黃花醉酒日徜徉

正德七年除夜諸弟姪攜酒來草堂送茂

夜闌天上火沈香風味遙傳到草堂白髮無私憐我老黃
羊有例笑人忙弟兄晚歲來三處年齒明朝又一霜骨肉
團藥頻勸飲此恩猶自出君王

送別

離筵酒盡淚沾衣別後憑誰問是非午夜夢回明月在天
南天北共清輝

會紹興轡一首

轡字文載永興人成化乙未進士授刑部主事出

爲紹興知府以剛直罷教三子全介念先後成進士
居官皆有聲刑部詩不多偶存一二首亦灑落有致

蘇仙觀

偶從杖履踏仙關還愛孤雲相伴閑天地竟誰饒白髮煙霞引我看青山但收好景來敲句那計金丹可駐顏行樂不知歸路遠沙頭楊柳月初彎

文總制貴一首

貴字天爵湘鄉人成化乙未進士授吳江知縣擢浙江道御史出爲山西按察使以僉都御史巡撫山西終兵部侍郎總制大同天爵以戍籍隸山東

東昌衛故有還湘上故里詩性強毅任大同時劉
瑾遣使來將有求於公公怒杖其使一無所餽瑾
矯旨召之亦不赴瑾畏其強項亦不敢加害

還湘上故里與父老讌集褚公祠池上

馬邑龍堆白草肥牙旌高捲塞鴻稀還鄉爲報浮湘客飛
鳥依人已倦歸

歐陽儀徵涵一首

涵字養性號菊軒安仁人成化庚子舉人知南直
隸儀徵縣儀徵當江淮之衝素難治菊軒以清節
著撫循備至民懷其惠嘗歲旱竭誠禱祀澍雨三
日有一鶴自天降署馴擾不去士民建來鶴亭以

表其異

崩石鈞磯

古廟頽垣閱幾春一溪流水自粼粼
磯頭屹立嗟峨石容我投竿作釣人

石閭中思義二首

思義字時中湘潭人景泰癸酉舉人官四川閬中

縣知縣

案思義宜次是卷顏公輔之前得詩稍後因補錄卷尾

入保寧界

琴劍蕭蕭入保寧敢云七尺映郎星
飛流雷吼奔三峽細

路羊腸闢五丁宦海微名頭欲白京華知已眼猶青

自注時大

學士劉公早知腰折千山外何似依依戀闕廷

解組歸寄同榜江孟黃

自注時江猶在湖導

一昨書史臨湘水兩袖清風對岸花不信青氍有真樂就荒三徑好爲家

石選貢澤一首

澤字正西湘潭人成化乙酉拔貢

或有勸爲校官者詩以答之

青氍豈似青山好綠野還同綠水清自有白雲留客住不教丹詔下湘城

陶漢中廷弼一首

廷弼號遜庵安化人成化閒以書經貢太學官汝

川梁山知縣擢漢中府同知

致仕自述

解組今朝返故園
官場瞬息廿餘年
承歡莫逮情真苦
報賜何由心尙懸
卻幸保全逃物議
切無調度貯餘錢
乾坤俯仰空塵累
去住升沈聽自然

沅湖耆舊集卷第六

新化鄧顯鶴湘臯編輯

鄞縣沈道寬栗仲校訂

彭通判澤七十四首

澤字民望攸人景泰丙子舉人官應天府通判吾
楚明代有兩彭澤一爲襄毅公湘陰人以蘭州籍
登宏治三年進士其一則民望也與文正公交好
酬唱詩最多有玉堂聯句百餘首行世自著有老
葵集湖南通志誤屬之襄毅又明史藝文志有彭
澤幸庵行稿十二卷則襄毅著也幸庵稿未見僅
存律詩一首民望詩宗法甚正涯翁稱其清而腴

簡而有餘見之而可親追之而不能及其所之其
傾倒如此錢氏列朝詩於涯翁友朋故舊稱引殆
徧獨無片語及民望明詩綜僅錄其春日雜興一
絕謂之去取公允未之信也懷麓堂詩話吾楚人
彭民望少爲諸生偏好獨解得唐人家法如淵明
圖詩曰義熙人物羲皇上典午山河甲子中恨殺
潯陽江上水隨洲還過百頭東送人曰齊地青畦
連魯泉彭城山色過淮流向花日脈脈斜陽外敲
風助斷腸枯棹亭曰春風滿畦水不見野人勞皆
佳句也獨不自貴重詩不存藜子輯而藏之僅百
餘篇而已又彭民望始見予詩雖時有賞歎似未
犁然當其意及失志歸湘得予所寄詩曰斫地哀
歌與未闌歸來長欽尚須彈秋風布褐衣猶短夜
雨江湖夢亦寒黯然不樂至木葉下時驚歲晚人
情悶盡見交難長安旅食淹留地慚愧先生自帶
盤乃潛然淚下爲之悲歌數十遍不休謂其子曰
西涯所造一至此乎恨不得尊酒重論文耳蓋自
是不問歲而卒賀學博德宗云文正斫地哀歌

一篇七修類藁亦俯載之乃云西澤身處禁苑豈
不能扶持一女哉彭必不與之厚乃有激而云也
此不知民望並不知西澤者劉杜三日民望與西
澤交西澤時方秉政海內人皆望爲進退民望名
考廉也僅以別駕終使今之人有相國與之交豈
肯落落舉棲如民望哉昌黎爲吏部賈島止長江
薄房瑄作相少陵位不過工部郎古人類
不可及者非獨詩也斯言可爲民望定評

公館夏夜

孤館森崇垣庭竹寂無聲
苦暑兼溽熱中夜未能清
推枕占風信攬衣坐前楹
茫茫霄漢閒湛然驕不生
南斗轉孤柄西方爛長庚
美人秉素質輕彼瑤與瓊
山河阻迢遞悠悠勞我情
此心諒匪石肯道違前盟
弱水不可渡颺車有時經
瑤池不易到八駿亦會行

積雨酬西涯

雨聲長夜鳴曉起水在屋豈謂六月中淒涼變炎溽街衢
激長河波浪走平陸我時攬衣裳倉黃呼老僕短髮亂垂
肩濁泥深沒足閉門坐蕭條何異在山谷平生愛疏散老
大恥局促忽在太白詩清風引修竹誦之不可置日暮繼
明燭

答西涯

長安重交遊車馬相縈迴義氣干白日綈袍雲錦裁楊雄
雖識字見人口不開終日飲美酒窮達不自猜舉世盡如
醉誰復憐其才嗤彼失路人臨歧悲且哀感君瓊瑤篇讀
之令徘徊

結交行贈陳明用

古人重朋誼，結交同悲歡。刻頸誓白日，杲杲明心肝。許身在知已，豈獨接杯盤。此道棄已久，誰能迴頽瀾。陳君抱奇節，矯矯雞羣鸞。寒衣只一裘，饑食只一簞。片言深契契，千里排急難。膠漆久亦固，金石長不刊。我歌結交行，懷古起長歎。請君援瑤琴，泠然爲我彈。

送陸秋官迎母南還暨其姪侍歸各一首

陸雲姑蘇來千里，迎慈親上堂。百拜畢，填篋奏昏晨。騎馬出燕市，買船通沙津。扶親上板輿，歸就吳江尊。都門羅祖席，追餞皆朝紳。若人出閭巷，行者停車輪。立觀如堵牆，噴噴稱羨頻。顧我棲旅士，幸接賓從塵。作詩歌盛事，獨愧非陽春。

高楊號秋風疏桐墮秋止長空無纖雲遙遙見萬里陸郎
英妙年楚楚宦門子文采耀人目瑤環與瑜珥側奉太宜
人遠上路河水危檣不可留迢遞挂帆起何以共綢繆惟
斫河中鱉豈無甘旨奉聊致顏色喜

送客

東風城南吹酒香門前楊柳深覆牆遊絲十丈輕飄泊羣
花漠漠白日光呼童沽酒送歸客客苦離別懶舉觴此時
對酒須共醉明日相思空斷腸

飲後江上對月

迢迢今夜月耿耿去年心花影深藏砌泉聲暗入琴春雲
停暮雨北鴈斷南音酒醒江風冷羅衣坐不禁

書河上人壁

亂山坡下路一逕入僧房
牕矮低雲氣簾疏露月光
種松看樹老栽藥愛苗長
卻笑紅塵裏輪蹄袞袞忙

發舟

渡口開單舸官僚候去旌
古陂新漲綠初日遠峯明
斑竹湘靈恨幽蘭尼父情
江行愛明月坐到晚潮生

旅夜酬西涯二首

急鼓春城暮高枝宿鳥驚
風雲猶壯志杯酒且閑情
流落依朋友驅馳愧弟兄
牀頭插孤劍夜夜電光生
落落餘生在三年歧路中
淒涼聞過鴈飄泊歎飛蓬
愧我非東野惟君是孔融
只因天上月照見此心同

清河

小縣當河口居民奈役何舍人支廩去官使進鮮過夏麥
全收稅秋田尙督科停舟問時俗感慨一悲歌

酬西涯

客居惟僻陋車馬斷經過聚散風中絮浮沈水上波詩書
今已矣康濟竟如何梁甫吟初罷臨風更嘯歌
京國青雲好羈人萬里愁宦情揚子波鄉夢岳楊樓沈約
腰全瘦楊朱淚不收百年吾道在此外復何求

桂軒

分得月宮種栽培向草堂園林從寂寞風露正芬芳庭色
侵寒壁窗陰過夕陽故山叢樹裏相憶隔瀟湘

東臯

瀟灑幽居畫不如青山面面翠屏舒
春雲遶屋松陰合夜月當牕竹影疏
彩舫棹將溪上釣黃精種得雨中鋤
經年無事入城府盡日焚香看道書

春陰

春雲不動結層陰高閣霏微畫轉沈
芳草園林空有伴東風塵土獨關心
揚雄宅廢田疇在郭隗臺荒鹿雉侵
日暮思鄉更懷古天涯搔首一長吟

紀夢

夜來夢到江南好萬里江山在一船
彭蠡二姑春擁翠匡廬五老晝浮煙
應過京口思劉裕更上峨眉弔謫仙
夢裏

題詩意無限覺來搔首一茫然

獨步

夕陽隱隱下山岑樹靄殘煙向晚沈狡兔自營三窟穩鷲
鳥須藉一枝深喧騰別巷漁陽操徙倚閒庭梁甫吟萬里
風塵雄劍在肯教孤負百年心

詠淵明

歸來三徑已秋風籬下依然菊滿叢五斗折腰羞作縣百
年多難蚤成翁義熙人物羲皇上典午山河甲子中怪殺
潯陽江上水隨潮流過石頭東

泊岳陽樓下

平湖空澗水浮煙孤嶼依微樹接天歲月有期陸谷變神

仙多事古今傳城樓吹笛風回市沙浦鳴榔月滿船細讀
屈騷兼賈賦淒涼遺憾使人憐

歌風臺

稀破鯨奔幾戰爭親於此地駐旄旌荒臺曾見高歌日小
縣猶存古浦名五載艱難天下業千秋魂魄故鄉情危亭
寂寞山河裏剝落殘碑野草生

淮口阻風

淮河波浪接雲長浦口人家住渺茫桃葉有歌空悵望柳
花無賴正顛狂高原舉目浮塵暗孤剝題詩落日黃欲把
靈龜問詹尹好風何日送帆檣

南浦

長河風送浪花回，隔岸驚沙雜雨來。
歲月如流猶是客，天涯無伴懶銜杯。
四愁不獨張衡有，十漸真成魏相猜。
日暮離人最惆悵，浮雲如霧草如苔。

金陵雨後登樓

醉倚危闌看雨收，分明遠樹見晴洲。
千年壯麗山爲郭，十里人家水遶樓。
燕子近來誰是主，鳳皇已去有遺邱。
如何東晉諸名士，卻上新亭雙淚流。

感興

忽看零落散輕飈，郊郭空寒草樹凋。
世事蒼茫生計失，旅途棲泊鬢毛焦。
豺狼豈合當中道，鷹隼長思迅碧霄。
慷慨悲歌兩行淚，青燈疏雨共今宵。

峇堯仙掌捧晴空別駕樓船過海東閣老新居深隱月錦
衣諸從動生風青雲落地劉蕡拙南國無家杜甫窮諸將
總知茅土貴只今胡馬遍秦中

江皋清隱

竹園莎徑轉風湍沙嘴棱棱白石寒滄海暮湖隨月到石
城晴樹對江看不妨野老來留艇或有鄰僧共倚闌國語
道書長在手科頭十日不曾冠

春寒和賓之韻

急雪輕寒燕不歸客窗高坐尙重衣孤村晚食青藜伴甲
第春筵翠袖圍烽火邊城書未捷郊原花柳意俱微瀟湘
舊宅今何似短屐相尋願久違

北園踏雪

雪擁平園路有無
短筇雙屐細縈紆
身隨野鶴行應遠
詩到梅花興轉孤
灞上他年憐鄭綮
湖西無地著林逋
便當喚取徐黃手
寫作寒天一老圖

惱雨

暖風回雨過城西
細柳千家一望迷
花臉破妝真欲泣
草頭無力卻先低
御溝新漲微添綠
紫陌芳塵半是泥
孤負東君一年景
蹇驢攜酒聽黃鸝

九日

斷蓬飛鞚擁寒沙
又見秋風改物華
九日寂寥誰送酒
少年飄泊獨思家
江關信杳空憑鴈
幽菊秋深不見花
搔首

無言心百折暮樓鐘鼓更吹箏

留別費思敬

相逢握手舊相知傾蓋江頭白日移四海飄零嗟老大百
年肝膽盡交期高樓試茗煎潮水小徑尋梅過雪籬今日
臨期怕分手銷愁深仗酒盈卮

梅溪釣艇

溪上寒壓幾樹花溪邊積雪雜晴沙先生釣魚不設餌僕
子刺船忘在家竹笛呼風落楊柳蓑衣和月臥兼葑醉裏
高歌白石爛且看高岫浮雲遮

追和唐人無題詩

翡翠簾輕不受風夜深歌吹隔牆東長吟閨苑書來晚始

信蓬萊路未通玉露望分仙掌白
硃砂空注守宮紅此心
搖蕩渾無定一似狂飈逐亂蓬

滾滾車輪去復來閒門愁聽響如雷
瑤琴曲度聲相應石
鼎香殘影倒回宋玉無心終有賦
崔徽多病實憐才人生
行止須關數欲覓山僧坐畫灰

心事渾如不繫舟強來花下立夷猶
襄王巫峽原因夢阮
肇天台只暫留月裏嫦娥應不老人閒
蒲柳最先秋相如
苦被才情誤惹得文君賦白頭

和元人馬伯庸無題詩

飈車曾見駐晴虹兩兩蘭旗導羽幢
仙譜不知名第幾別
情空受珮成雙輕盈水上冰羅襪縹渺雲閒霧綺牕酒醒

忽然聞暮雨孤舟蕭索臥寒江

收拾長竿凝晚潮望中雙柱識天橋孤槎星斗尋源到歸
鬢風濤覺路遙仙子綠鬟雲壓耳天孫珠帶露垂腰始知
樓觀諸天上亦有人吹白玉簫

曲几香爐手自垂微軀休用八瓊醫阿嬌買賦酬金夜班
女逢秋泣扇時風靜下階占犬吠日高刻石紀花移君王
只在昭陽殿歌舞何人獻壽卮

送邱二

布衣不受曲江塵同作天涯失意人縱飲且判今日醉看
花又道隔年春客途風景驚心異故國青山入夢頻相送
黃金臺下路幾多愁思欲沾巾

送時雍主事出使兩廣道經華容

清朝作宦似登仙，又賦皇華下九天。
駟馬高車驚故里，錦衣白面照蠻川。
星昏公館晨供餉，風細江城夜泊船。
明日使君向南去，有人翹首望行鞭。

九日陳師召李賓之陸克深天錫同遊月河寺

欹側危亭勢欲崩，亭前花草錦交棚。
分題次第詩聯軸，勸客殷勤酒滿升。
遠寺夕陽留塔影，西風落木見山棱。
英雄郭隗名猶在，千古荒臺試一登。

水亭雜興十一首爲西涯賦

海子

春水新蒲出晴沙，白鷺迴黃旗。
蕩雙槳中使打魚來。

西山

芳草連雲淨舉目見西山浮雲與山色相對同我閑

慈恩寺

詩客愛春日閑來寺裏行逢僧兩不語石壁自題名

飲馬池

池水見底清池草漾波綠沙上人語多水深亂馬足

鐘鼓樓

入夜鼓聲罷隔樓鐘亦鳴金吾巡警急戒僕莫輕行

明月橋

橋上明月多橋底波光靜波光與明月蕩漾魚龍影

楊柳灣

深巷綠溪前垂楊在兩邊夜來春雨長樹底繫官船

響閘

奔騰山水來閘小不用板官夫枕石眠盡日無人管

稻田

雨聲夜不絕陂塘綠色滿老農開溝塍細看流水緩

菜園

幽園不設籬破屋甕爲牖曉雨東南來戴笠鋤春韭

蓮池

幽人忽攜酒與客看池蓮不似西湖上聞歌踏畫船

按梧門祭酒法式善西涯考畧云納蘭容若淶水亭雜識云李長沙賜第在西長安門西俗呼李閣老衢衢是也其別業在北安門北集中西涯十二詩程篁墩等士和之有桔槔亭楊柳灣稻田菜園

遊池而物歸鐘鼓使慈恩寺廣觀皆在十二詠
中今其遺址不可問當在慈恩寺近蓋響閣即也

橋下兩而鐘鼓樓則園中可遙望兩湯西屋懷清

堂集題李文正慈恩寺詩序云喬壯備散文為山

西涯園云寺之後曰西涯考公懷麓堂集有西涯

十二首第四篇即慈恩寺其他如楊柳海鐘鼓樓

四詩中亦互見則慈恩寺在西涯東西涯之名所

由來矣公因以自號今亦不能復識其處公詩首

篇云幾人城市此曾遊又云城中尚有山林在集

中重經西涯有云城中風景鬱中路又云禁城際

裏節河西慈恩寺偶成云城中第一佳山水則西

涯之在城中無疑涿水亭雜議所云西涯有李長

少別業者考其地在今德勝門西予近年數得經

過見風漪彌望直接德勝橋而東有去華庵在共

上蓋其為當時之西涯所云積水潭子亦即此

地也相去二百餘年不特珠宮佛屋灰劫無存而

園中所有喬木蒼巖長橋斷岸亦不復能彷彿矣

註簡又云西涯公嶽降地公詩有淚痕應共水俱

流句又云撫今念舊為此愴然集中如禪後述哀

云應詢西涯舊時柳泣風愁雨共依依又重經西

涯云湖滿密縫衣上綫又云愛與萬非稚子歡又

云慟哭兒童釣遊地白頭重為何人則莊簡所

言獄降地者信有徵矣至淶水穀職所云公有別業在北安門外或疑是舊業非別業也公罷相後客至不能具魚菜豈能更爲平泉木石計余綜諸說與地址印證蓋廣福觀之南響闌之西月橋之北海潮寺之東地名煤廠文正故第當在是煤廠爲文正所生之地後貴顯始有賜第所云李闡老翁衙者殆卽其地耶帝京景物畧云李文正公祠在杜皇城迤西孝宗賜第也淶水亭雜識似足爲據至於西涯則今之積水潭無疑潭卽水關在諸河極西林木叢蔚水石清幽其先爲法華庵今建瀕通河乾隆二十六年御題也枯椿亭稻田楊柳灣沿河迤迤皆可指識其地淨業湖十利海分流瀕注而下歸宿於澄清閣余居距其地址不數十里武門外卽楊柳灣云云其考西涯根柢甚詳近賀學博攸輿詩鈔引懷麓堂集詰命碑陰記證西涯爲公誕降地而云與皇墩俱和西涯十二詩不盡在別業中蓋不知別業卽舊業也又云西涯十二詠程景墩和之彭民堅亦和之彭詩今佚一首乃枯椿亭懷麓堂詩話中所云春風滿野水不見野人勞疑卽此作也但懷麓堂集十二詠有廣福觀無明月橋老翁集則有明月橋無廣福觀意者廣福觀一作亦已散失後人雜取明月橋詩以蓋之

而不知其非也然不可考其說近是然乃爲亦所
西泚池或當日偶得參互未定之作云爾

古意

妾心池中蓮郎心池中水池水東西流蓮花抱香死

詠竹

美人夜不寐翠袖倚闌干月冷瑤階靜天風響珮環

春日雜興

春陰庭館晝生寒落絮遊絲溼作團年少風流今已減牡
丹開徧不凭闌

贈僧

茅檐鎮日無人到閉看孤雲自往來昨日出門覓詩侶東
風不見百花開

寥寥僧家盡不譁東風閑掃落來花殘經讀罷爐香盡旋
刷生柴自煮茶

半載僧房對榻眠別離無奈夜燈前相思何處堪惆悵萬
里青山一葉船

不雨

大麥花乾野雉愁浮雲當晝夜還收午窗安枕驚初覺槐
葉颼颼滿院秋

北牖

樹陰不散午無風塵榻蛛絲北牖空欲寫絲桐弔虞舜九
疑標渺隔湘東

感秋

絡緯淒涼戶牖秋月明韋曲昔曾遊世人年少輕離別安
得浮生盡白頭

題畫

雲樹沈沈白晝昏短篷高纜雨翻盆江湖到處風波險只
好將身不出門

題扇

亂枝高下樹縈迴袞袞羣山勢欲來春水不生人不到扁
舟閑坐晚江隈

雨中

客裏窮愁苦不禁捲簾風雨正潏潏來蜂去蝶翻飛急細
柳高槐自在深

舟中風雨

官船長夜坐無聊
蠟燭香爐伴寂寥
鳴鴈不來天欲曙
打篷風雨正瀟瀟

客行

雞鳴上馬渡關津
日黑投林問主人
開到梨花看不見
東風十丈馬頭塵

留別西涯

溼雲低戶密垂幃
細雨飛空巧散絲
無限羈愁兼別恨
閉門無語夜深時

喜韋達譽話舊戲簡張雲漢

十年不見韋生面
昨日相逢喜若狂
卻笑風流老張祐
長

安終日馬蹏忙

閑居

桑柘陰陰護短牆
庭中青草過腰長
春風不管花零落
撲戶穿簾一陣香

西山聯句

茲山古有名
西自太行發
龍蟠根與坤
蟻垤俯吳越
渾敦鑿天竅
盤互結地骨
鯨子失乘櫟
共工觸不元
元氣久乃固
有力孰敢拔
勢爭千夫地
影滅萬騎蹶
目窮扶桑株
足踳銅柱揭
包羅北濱溟
迤東到碣寶
維京城觀固
是神靈窟
晨朝紛旒幢
夕拜跼闕紫
蓋鬱葱龍
丹梯峭齒峯
孤翮擺流雲
衆灑般疏樾
奔騰亂支派
進退異叅謁
峩冠

丈人尊脫胄武夫突纍纍兕象出隱隱蛟龍汨賓迎曲周
旋敵搏交抵粹昂首若有求傲睨恥受晨眉務帶秦黔股
斷遭楚別猙獍世共詫淫巧帝所罰嗟哉奇勝穴胡爾浮
屠掘僧廬據其顛築塊加以壓迴廊抱犖确峻墉聳硤砢
翻飛偃風爐蔽畫霧林焯石羣駭初叱泉勢誦餘咄松窗
午閣暝霧殿夜湧凸危板顛窮猱捷響脫峻鶻妖蛇舌過
吻老樹精吐孛黠鼠潛窺伺佻禽怒嘲訐敗牆漫延蝸幽
竇巧匿蝸藏經鬼司局賜額官建閣樓鐘吼潮鯨院鼓鬧
花羯金銀照崢嶸沈檀蒸郁醇刻畫恣匠能攻排笑吾訥
平生厭譁聒搜覽窮劓劓韓狂欲辭家晉俊長拄笏奴肩
紫春匏馬額撼秋鐵或當朱炎赫茂陰逃困喝或值元冬

江飛坂歷層波。颯苔躡凌兢。濁水渡汙泥。貪趨轉子迷。
路錯。垂藤密鈎衣。溼草微漬襪。出險豁雙眸。瞰卑驚
一絕。驅載彼誠。劬捫曳。我旣瘠。拗樽注窪泓。露爨釜。酌
流坐操瓢。入谷行解輒。前呼後者應。主健僕思歇。蕪歌
遇。杳靄野浴。遞出沒。陰巖洞清嘯。狹路喧衆嘖。溪橋獨木
撐。村市兩旗揭。招遐舉長袖。駕淺上小筏。叢葩低雜。選顏
岸。仰飢甑。先登類。縋城仄。降如挾。腋風腥。疑虎豹。日暗閃
猶。獨其民屋。不寨此地。車代撥。耦耕參旄倪。比簷接。蝨歷
由來爾。塵郭所向。在商堡。淳樸氣。則然靈傑事。可忽禹鈞
里。尙存耶。律墓猶。虬環觀。起深慕。落景同。永沒川。巒閣光
彩。時代成。恍惚遙。遙翠華。路皓皓。青陽月。亭臺罷。行巡父

老望麾鉞高陵佳氣近上界仙蹤子祀典崇望于邦基重
貽厥遺遊本觀國夙產今壯髮初聆載飛揚未觀中結骨
跡雖類出壑志豈暇撥蘇神交虛惘惘塵事苦矻矻曠懷
非不達警句暫自伐聊用記歲年喜神在單闕

月夜聯句

西風催秋至涼夜不能短庭除宿草沒蕪雜青苔滿候蟲
誰使鳴感此歲月晚鄰家急砧杵聞之心欲斷補綴勞瘦
妻辛苦事漿澣所憂閨中宿何以供櫛盥愧君獨淒淒慰
我翻款款青燈照雙影細雨繁更緩坐久衣巾溼交手過
兩腕人生紛百慮達士不受綰以茲貞素心疇能問寒暖
高秋迴空明涼思入寥廓層城俯晚晴衆葉紛欲落故人

中宵坐對月不能酌幽懷方耿耿古意已寂寞歧路多如
麻誰能念涼薄援琴彈猗蘭茲調久不作昔人重膠漆白
首欣有託我有長歌行與君共酬酢

涼風從西來蕭爽徹毛髮空庭淨如水赤腳踏素月屋角
挂銀河流星出復沒仰睇過浮雲清歌慘不發里巷多哀
聲十戶九疾疫況復饑饉年京民貧到骨寸心能幾何浩
蕩百憂窟吾才雖無用豈類秦與越曾聞漆室女終夜常
鬱鬱亦有引裙郎慷慨動天關

附錄饑麓堂玉堂聯句原序詩之識尚不一而格
力隨之舉以語人雖知者猶不免於彼此况其餘
乎自古而然無足怪者余求詩於古而竊有所得
然操筆爲之詞多不達意意之所至亦獨知之舉
以語人必見抵牾恆用自愧不敢以病於人吾鄉
彭民望善爲詩清而腴簡而有餘見之而可親迨

之而不能及其所之然余有得民望必賞所自病者民望必以爲闕其相得有如此者余於其來也必喜之其去也必念之及其頽沛困頓久而不能振又所謂愛莫助之者成化辛卯民望實寓余家凡再閱歲風晨月夕清談小暇之暇輒爲詩詩多聯句余詩固非所及然其神交與洽率然而成詩北意續之幸不至於牴牾者亦多矣越三年偶閱舊稿悵然感之因錄爲一卷是歲甲午夏六月二十日西涯老史書又檢鹿堂詩話與民望聯句幾二百篇爲別錄既久而失近易吉士舒語始有長沙錄得之豈民望之詩有不容泯者耶